




БАЛДАРДЫН БҮГІ

ТАБЫШКАКТАРДАН ТУРГУЗЫЛГАН КРОССВОРД

Кару балдар, бу табышкактарды чын тапсагар, кызыл клеткалардагы буквалардан алтай чөрчөктин геройынын адын билит алараар.

1. Жаандарды көп көрдим,
Эки көзим тосток болт.
Лайдак атты көп миндим,
Эки будым талтак болт.
2. Бортогочо бойлу,
Болот малталу.
3. Суу кечире күскү жадыры.
4. Буу, буу, буузын,
Мынан ары катузын,
Арта салган куушкан.
5. Тазылы жок кара агаш.
6. Аттан бийик, койдон жабыс.
7. Агы — агастый,
Каразы — килиндий,
Базыды каргаады.
8. Кыл кажаганду кылыр торбок.



Тас, тас, таракай,
Жаман ады корокой.
Мен, мен, мечиртке,
Менен жаман кучыйак —
Ала-была сангыскан,
Орто түшкен куйушкан.
Сангысканнан ала тас,
Жымырткадан жылтыр тас.
Отурган жери ойдык тас,
Баскан жери тайкак тас.

...

Кырда, кырда кузук бар,
Куу кижинин бажы бар.
Таарманда талкан бар,
Тас кижинин бажы бар,
Бисте, бисте, билү бар,
Бичик-билик тууда бар,
Тузалуда тузы бар,
Турган малда турлу бар,
Туулу кырда тура бар,
Турачакта уулдар жажынган,
Кем озо табылар,
Онын бажы жарылар.



БАЛДАР БИЧИЙТ

Күндүлү редакция!

Мен Койткина Эркелей Улаганнын орто үредүлүшколынын 5 «А» класынын үренчиги. Бу өдүп жаткан жаан-жашту улустын айлыгылы Балыктуул журтта жадып турган каргандар 86 жашту эжем ле жестемди Магдалина Степановна ла Павел Иванович Петпенекторды байрамла уткуп турум. Эжем ле жестем оогошто ло өскүс арткылап аштап-суузап, соокко тонуп, шыралу күч өйлөрдү өткөн улус

Экү айыл-журт төзөп, үч бала чыдаткан, эмди балдарынын балдарын чыдадарга болужат. Жажына эжем ле жестем мал ижинде иштеген, көп Күндүлү грамоталар, орден, медальдарла кайралдаткан иштин женүчилдери. Олор экилбези јобош, јалакай, иштенкей кылыкту, ончо улуска болужар, айылдап кирген јашты да, јаанда да курсагыла күндүлеер. Бисти турумкай, иштенкей болорына айдып үредет, ончо барын теннен үлештирип берет өрөкөндөр.

Кажы ла неделя сайын эжем ле жестемди айылдап чыгадыс. Эжигин ачып кирзен ле экү күлүмзиренген, айылы ару-јылу сакыгылап отургылаар. Кандый јакшы, эжем ле жестем бары, биске баш болуп эмди де узак жүргүлезин.

Эжем ле жестем, бу үлгеримди Слерге сыйлайдым:

КАРУ УЛУСТАРЫМ

Кару менин карганактарым,
Кандый јакшы слер барда.
Күннинг чогы јаркынду чалыйт,
Курчубыс бичтин бек тартылган.
Кара бажыгар кажайганда болзо,
Карыгып сагыш качан да эбелбезин.
Кийинде артыскан үйегер слердин,
Калынжып угуар көптөн өссин.
Јүрүмнинг јолы жүзүн болгон,
Јакшыны-јаманды тенг көдүрип,
Јүрүмнинг толкузына араай јайкадып,
Јажына јолыгар бирге өтти.
Эје-жестемнинг эрке сөстөрин,
Эмди де угуп жүрерис.
Эжерлү куштый эки бойыгар,
Эзен-амыр ортобыста ла болыгар.

КЕП СӨСТӨР ЛӨ УКАА СӨСТӨР

Ат-јакшызы мактулу,
Кизи јакшызы күндүлү.

Этпестин токлогы јаан.

Баштактын бажы
јарык.

Кыс бала — энезине болуш,
Уул бала — адазына болуш.

Кедер ат јортпос,
Өчөш кизи укпас.

Мактанчактын таманы јука.